

մեզ աւանդ էին թողել, որ երբ լոյսը գայ մենք բերենք ձեզ յանձնենք այս աւանդները եւ խնդրենք, որ մեզ նորից ընդունէք ձեր մէջ, որտեղից հեռացրել էին բռնաւորները» : Խնդրագիրը Կաթողիկոսին ներկայացրին, որը ներկայացրեց փոխարքային, որպէս զի թոյլատրեն ժողովրդի ցանկութիւնը իրականացնելու : 1883 թ. խնդիրը ետ եկաւ Կարսի նահանգապետին, որի օգնական գրնդապետ պետանդերը պարտաւորւած էր զեկոյց տալու պետական խորհրդին այդ խնդրի մասին : Որպէս պատմութեան ուսուցիչ ինձ հրաւիրեց պետանդերը տեղեկութիւններ տալու. պարտաւորւած էի Այվազովսկու՝ Օսմանեան պատմութիւնից եւ Չամչեանի էջերից՝ մի քանի երես թարգմանելու եւ յանձնելու : Ապա պետանդերի հետ զնացի Ոլթիի գիւղերը այցելելու եւ գիւղացիների խոստովանութիւնները լսելու : Ես պարտաւորւած այդ ճանապարհորդութիւնը կատարելուց յետոյ, ուղեցի այնտեղ մնալ, ինձ կանչեցին Ոլթեցի տնատէրերը աւան, որպէս զի նրանց գնած տների եւ այգիների յատակագծերը պատրաստեմ եւ նոր շինելիք բնակարանների եւ խանութների ուրւականները ծրագրեմ : Այդ տեղ էր եւ Մկրը, եկել էր առնելիքները հաւաքելու : Մկրի հետ նորից այցելեցի Տայոց քարի, Փանաղկերտի, Ոլթիի եւ Բարդուզի հնութիւնները ու վերադարձայ Կարս : Կիսկիմն ու թոր-